

正統念處經



二百九十五
宜一

49696



正法念處經卷第六十一

宜

元魏婆羅門瞿曇般若流支譯

觀天品第六之四十

夜摩天之二十六

復次第五聞法利益安樂一切人天謂何等
法所謂說法說於一切布施之法說諸善法一
切尊中聞法最勝能斷一切憍慢根本所謂

說法能調憍慢說法聞法尊敬重法說於信
法說受持法說修行法不離說法諸佛如來
以法為師何況聲聞緣覺說法有十功德多
所利益何等為十時處具足分別易解與法
相應非為利養為調伏心隨順說法說施有
報說生死法多諸障礙說天退沒說有業果



若說法人有此十法令聞法者得多功德利
益安樂乃至涅槃是聽法者及說法人隨所
作願各得成就一切種種布施之中法施最
勝乃至能令一切衆生得涅槃樂

復次聞法功德成就深心信根清淨一向淨
心信於三寶誼聽法處為聞正法隨舉一足
皆生梵福若人供養說法法師當知是人即
為供養現在世尊其人如是隨所供養所願
成就乃至得阿耨多羅三藐三菩提以能供
養說法師故何以故以聞法故心得調伏以
調伏故能斷無知流轉之闇若離聞法無有
一法能調伏心如聞說法有四種恩甚為難

報何等爲四一者母二者父三者如來四者
說法法師若有供養此四種人得無量福現
在爲人之所讚歎於未來世能得菩提何以
故以說法力令憍慢者得調伏故令貪著者
信布施故令麁獷者心調柔故令愚癡者得
智慧故以聞法力令迷因果者得正信故以

聞法力令邪見者入正見故以聞法力令樂
殺生偷盜邪婬業者得遠離故以此說法調
伏因緣令得涅槃以此因緣說法法師甚爲
難報父母之恩難可得報以生身故是故父
母不可得報若令父母住於法中名少報恩
如來應等正覺三界最勝度脫生死無上大

師此恩難報唯有一法能報佛恩若於佛法
深心得不壞信是名報恩以此供養亦自利
益今時孔雀王菩薩說經偈曰

以說法因緣

得安隱涅槃

能斷一切縛

衆生之大師

以說寂靜法

能斷愚癡網

如是真導師

能示衆生道

若法令衆生

超度諸有海

此法最殊勝

世法莫能及

若人能供養

此四種福田

斯人得善果

導師如是說

既得具諸根

亦得聞佛法

若行於非法

後悔無所及

處處生愛著

常求於欲樂

恒貪愛妻子

不覺死來至

念念多諸惡

種種過所亂

以心縛衆生

將趣三惡道。是惡難調伏。當求天人便
是心不可信。衆生之大怨。以善聞善見
無量種修習。以法調伏心。如馬得銜勒
如是第一深厚福田。具善功德應修供養利
益天衆說如是法及說業道尊重讚歎說法
之師孔雀王菩薩以願力故生彼天中利益
諸天時諸天衆既聞法已心得清淨皆悉一
心聽其所說作如是言此孔雀王所說相應
非不相應與兜率陀寂靜天王所說相應無
異無別思惟此法初中後善第一清淨第一
善法第一安隱利益安樂一切天人令得寂
滅今時孔雀王聞兜率陀天說是語已心淨

歡喜一切悲心安忍利益一切天衆乃至涅槃復說第六深勝法門能至涅槃如是之法第一安隱第一最勝衆人所愛所謂悲心一切人愛令人生信安慰生死怖畏衆生心不安隱令得安隱於無救者爲作救護若有悲心是人則去涅槃不遠悲心柔軟無欺誑心無麁獷心能斷瞋心悲潤心故又悲心者名大莊嚴於五道衆生若起悲心能破瞋惱云何於地獄衆生而起悲心此諸衆生云何爲於自業所誑由心怨家之所造作得不可喻種種大苦鐵鈎鐵杵鎔銅熾然惡虫所噉難度暴河漂沒衆生鷓鴣烏鵲之所啄食入劍

樹林及灰河中受種種苦不可具說所謂活
地獄黑繩地獄衆合地獄叫喚地獄大叫喚
地獄焦熱地獄大焦熱地獄乃至阿鼻地獄
及其隔處大地獄等一百三十六處衆生墮
中圯裂擘坼斷截燒煮自心所誑業繩所縛
愛火所燒無救無歸東西馳走求哀自勉以
求救護我當何時得度如此大苦惱海於此
衆生而起悲心若種如是悲心種子則爲天
王或作轉輪聖王一切衆生之所愛重悲心
之人愛樂善業是名觀地獄衆生受大苦惱
而起悲心則得增長無量梵福
復次若沙門婆羅門及餘善人利益衆生觀

諸餓鬼當起悲心。云何衆生墮餓鬼中。種種
飢渴自燒其身。如燒叢林。四面馳走。手相踢
突。炎火焚燒。遍體熾然。無救無歸。處處遍走。
以求救護。無能救者。此諸衆生。何時當離種
種苦惱。何時當斷飢渴之苦。是名觀餓鬼苦
而起悲心。

復次若沙門婆羅門及餘善人。觀於畜生而
起悲心。餓鬼之中。無量苦惱。手相殺害。畜生
三處。所謂空行。水行。陸行。死法。無量。手相殘
害。手相食。取此諸衆生。何時當脫。是名觀畜
生苦而起悲心。若有能生如是之念。則生梵
天。以悲心念諸衆生。故悲念衆生於三惡道。

大苦惱處於最大惡業果之地與悲心已復
於六欲諸天而起悲心於六欲天受天之樂
不可譬喻種種山谷山峯園林而受快樂蓮
華林池共諸天女遊戲受於百千種樂既受
樂已業盡還退生在苦處受大苦惱墮於地
獄餓鬼畜生此生死處戲弄衆生愛鑽所縛
東西馳走迷亂無知受大苦惱是名觀諸天
苦而起悲心
復次若沙門婆羅門及以餘人觀於人中而
起悲心以種種業生於人中受苦樂果上中
下衆生種種作業種種心性種種信解或有
貧窮依恃他人憎嫉妨礙畏他輕賤追求作

業以自存活如是觀人世間而起悲心如
是悲心第一白法能得涅槃如是觀五道衆生
五種苦已而興悲心如足之人得勝安隱則
得涅槃亦時孔雀王菩薩說迦迦柯隨如來
頌曰

若人心柔軟

悲心自莊嚴

爲一切所護

衆人所稱歎

如是柔軟心

諸根常悅豫

此正見善人

去涅槃不遠

若悲心莊嚴

則爲人中天

若人無悲心

是則常貧窮

若人柔軟心

調伏如真金

若悲在心中

此寶無窮盡

若人常精進

恒修行正法

此人心智光

猶如大明燈

若人於晝夜

心常住於法 斯人之悲心 晝夜常不離

其人心清淨 利益諸衆生 既受安樂已

後得於涅槃 悲心清淨池 牟尼所讚歎

能斷一切過 悲財無窮盡 功德勝莊嚴

能斷一切過 牟尼悲潤心 故至不滅處

悲因隨所在 如蜜乳和合 瞋恚及熱惱

不能住其心 既昇悲心棧 哀矜心勇健

能度於有海 三毒大洄瀆 功德勝營邑

無勝此莊嚴 善人之所愛 故名爲悲心

如是孔雀王菩薩爲天說法初中後善相應

寂滅一切天衆樂集聽受

復次彼佛世尊說第七法謂何等法與之相

應而得解脫斷於放逸以何等業謂柔軟心
斷輕躁過攝諸功德若有人能柔軟深心離
一切垢涅槃解脫猶如在手軟心之人心如
白蠟修行善業衆人所信麁獷之心如金剛
石恒常不忘怨結之心行不調伏衆人所憎
不愛不信若起惡心堅執不捨心不安樂不
樂禪誦不近善友不生戒法如沙鹵地不生
種子亦如沙中不出麻油麁獷心人亦復如
是不生善法如穀角乳如月中暎如石女兒
如空中花鹿獷惡業誑詐無智自誑誑他五
有所沒近不善人捨離三寶此生盲人不能
正法明慧之日甚可哀愍生老病死憂悲苦

惱衆苦之聚入大曠野受無量苦遠離柔軟
甘露之味如是惡人沒於苦海去涅槃遠何
以故不行涅槃道因行故以是義故常不得
樂若有人能柔軟其心其人一切定得涅槃
譬如麻性出油日性光明月光性冷火熱地
堅風動水濕四大各各自相不倒輒心之人
調伏其心信心精進不顛倒見信於因果則
於涅槃如在現前爾時孔雀王菩薩以佛經
偈而說頌曰

若人心柔軟

猶如成鍊金

斯人內外善

速得脫衆苦

若人心器調

一切皆柔軟

斯人生善種

猶如良稻田

一切諸衆生

不能盡斯藏 能破於貧窮 及以多誑詐
利根寂靜人 常修行禪定 不著放逸境
永離諸苦惱

如是孔雀王菩薩說是偈時夜摩天衆兜率
天衆樂聞無厭復欲聞法合掌恭敬白言大
聖願爲我等具說二十二法我等爲欲自利
利他故當至心聽介時孔雀王菩薩爲諸天
衆說二十二最勝法門已說七法今當次第
說第八法若有沙門婆羅門及餘善人心生
思惟有何等法謂調伏法能與一切作莊嚴
法一切調伏毗左相應若沙門婆羅門若復
餘人在家出家若老若少調伏相應以此莊

嚴能令端正若離調伏猶如野干烏鷄鷓鴣
出家之人云何調伏出家之人初以袈裟而
自調伏當行七事何等爲七一者如其國法
受糞掃衣隨所任國在家之人所棄之衣若
在塚間有死人衣死屍所壓則不應取若於塚
間得破壞衣則應受用是名袈裟調伏之法
復次第二調伏若入聚落觀地而行前視一
尋念佛影像一心正念諸根不亂數出入息
係心身念入於聚落不觀一切所須之具不
觀種種器物亦不觀他莊嚴幃帳不與女人
言論語說不抱小兒不數動足亦不動臂及
其床座不手摩頭不數整衣不抖擻袈裟不

按摩手亦不彈指是名第二調伏之法

復次第第三調伏入施主家於飯食時齊腕澡
手若受食時不大舒手當前一肘不滿口食
亦不太少若於食時不輕弄不調戲謂不知
足失他淨信令他輕慢當觀他心若所搏飯
不大不小不大張口不令有聲不大出氣所
應之食但食二分食知止足不觀他鉢而生
貪心所受飲食不壞他心自觀其鉢不左右
顧視食已離鉢澡漱清淨守攝諸根正心說
法心念審諦不遲不速不曲不直不非時說
不多不少護施主心不壞其信是名第三調
伏之法

復次第四調伏若於食時若於聚落或於城
邑先所見食不生心念不數言說亦不希望
所受敷具如法受畜不求上勝是名第四調
伏之法

復次第五調伏一切所作不倚不著不惜身
命於所用具不多聚積不行邊方危怖之處
不異服飾不樂請喚不偏樂於一家往反是
名第五調伏之法

復次第六調伏不斷草木及掘生地不著雜
色革屣雜色衣服若他破戒不謗不說心不
希望王者之饒不親近於喜鬪比丘是名第
六調伏之法

復次第第七調伏若有比丘同意同法應當親
近利益令有常度欲棄魔境寂滅調伏守攝
諸根如此比丘應當親近若於山窟若於山
澗樹下露地常修行空無相無願是名第七
調伏之法若有比丘能如是行則能捨離一
切諸縛而得解脫尔時孔雀王菩薩爲諸天

衆以偈頌曰

調伏法相應

修行智境界

怖畏生死過

則不空出家

學處不毀缺

不念於本樂

常觀於諸陰

應住淨林中

軟語寂滅人

現趣於涅槃

持戒莊嚴身

與出家相應

於自他法中

若能不迷惑

業報非業報

道非道亦然

離於惡業行

苦樂不怖畏

於家得解脫

衆苦不能縛

如是孔雀王說於調伏無量功德令諸天衆
皆得信解一切天衆一心諦聽余時孔雀王
菩薩為夜摩天衆兜率天衆說法心不休息
知諸天衆敬重法故復說第九無垢淨法云
何名為無垢淨法若沙門婆羅門及餘世間
信於業報信業報故則得大法若沙門婆羅
門及餘世間信業果報此人則能知身惡業
於身惡業不習增長不愛不樂以其得果在
於地獄餓鬼畜生惡境界故如是於口惡業
不習增長不愛不樂以其當受地獄餓鬼畜

生惡果報故如是於意惡業不習增廣不愛
不樂以其當受地獄餓鬼畜生苦故若沙門
婆羅門先作惡業念已生悔止不更作親近
師長從其聞法云何得脫惡業果報如是師
長有智調伏爲說因緣以方便說令悔所作
過去惡業則爲盡滅以其如是念善業故不
作惡業觀業因緣從何所起如是觀之不作
惡業能令一切不善之業漸得消滅或令輕
薄現在所作身口意惡不善之業以心輕故
作已速悔不復更作如是悔心若業成就一
切惡業皆悉消滅若沙門婆羅門及餘世間
如是知業作是思惟我以習惡當作身口意

惡不善之業報熟之時墮於地獄餓鬼畜生
彼於未生惡不善業以正方便令其不生沙
門婆羅門若能如是信業果報設有地獄惡
業成就應久在地獄受大苦惱或得薄少或
皆消滅復次勤精進故若有惡業應墮餓鬼
久在餓鬼飢渴大苦或少時受或皆消滅如
是沙門婆羅門及餘衆生若有應墮畜生惡
業久在畜生互相食噉或少時受或一切滅
唯除作習決定成就隨於何道若於地獄餓
鬼畜生境界之中畢定受報

復次信業果報思惟難解微細業果於三種
惡業作已懺悔不復更作以不定業生畜生

中如是思惟若地獄業若餓鬼業受畜生身
悔心清淨能破重業以心力故或一切滅或
斷少分若有應受畜生惡業心悔能滅白業
能滅不受長命畜生之身不受大苦或以勝
心能斷惡業以此因緣當信業果若沙門婆
羅門及以餘人信業果報則能到於生死彼
岸何以故一切生死五道之中以善不善業
果報故有是故應信實業果報一切衆生一
切業果因緣故與是故若男若女應勤精進
晝夜思惟業之果報於生死中第一堅牢
復次第第十若沙門婆羅門及以餘人應當思
惟思何等法所謂任處所害若沙門婆羅門

及以餘人少智慧者住處所害其心樂著情
戀不捨或僧伽藍或僧住處或在聚落或住
國土或住城邑及以異處常樂懈怠樂於非
處不至寂靜阿蘭若處不行異處不名在家
不名出家於非法處乃至命終如是之人為
何因緣而行出家不至一切所應山林阿蘭
若處乃於非處而盡身命為修禪故而行出
家不入山林寂靜之處而住非處若沙門婆
羅門住於非處為諸施主之所輕毀不樂親
近不修供養亦不樂見若住非處過失彰顯
為諸凡俗之所輕笑乎共論說言某沙門某
婆羅門及以餘人樂住非處不名在家不名

出家不樂山林阿蘭若處貯畜財物樂見俗人親近在家猶如奴僕為諸白衣之所輕賤是故此人不名在家不名出家住非處故設令無過為他所謗無有一人住於非處不為施主之所輕賤數見白衣或近在家雖不輕慢或生異過若沙門婆羅門住非法處以住非處得無利益是故沙門婆羅門不應住於破壞之處常樂住處常樂獨處樂住樹下樂住塚間樂住靜處以修禪默或在山谷獨一而行乃至盡命應避非處捨離一切非法之處能得解脫住非處者不得解脫尔時孔雀王菩薩而說頌曰

比丘住非處

人視如僮僕

輕之如草芥

亦失自利益

比丘住非處

非在家出家

於禪誦法中

其心不喜樂

比丘住非處

貯積畜財物

貪心著財寶

不覺死時至

身命念念盡

而不能覺知

不知所作業

能受未來報

比丘住非處

常樂見俗人

常行於非處

死則入惡道

心無所樂著

一切不悌望

能脫一切貪

是名為沙門

若在山樹下

常修習禪觀

則得清淨智

遠離一切過

遠離一切貪

不為境界惑

則能滅煩惱

如火焚乾薪

獨修行比丘

攝持於五根

如實知身相

則得涅槃道

常念勤精進

遠離一切過

是人到涅槃

如至遊戲處

常求於涅槃

常怖畏生死

如是清淨心

則不樂非處

比丘如是住於非處得衆多過是故比丘應

當捨離非法之處若有比丘住於非處凡俗

無異若有俗人住於非處得無量惡何況沙

門近在家故則與一切善法相違是故應當

遠離非處時孔雀王菩薩復為夜摩天衆及

兜率天說迦迦村陀如來第十一法如是善

法甚可愛樂能至涅槃何等善法所謂住心

若比丘有住心者能持善法人所讚歎住心

之法離一切惡無始流轉心過羅網結使用

遍繫縛堅固非是少時少精進少定能斷如
是大惡羅網若有比丘薄少住心則不能斷
心地過網無有異法能斷生死如住心法唯
修行者有住心法若不善法起攝心令伏不
樂惡業精勤斷除勇猛精進斷不善法若貪
欲心起修不淨觀是名相應是惡欲心不淨
能斷不樂不著若起瞋恚攝心修慈若起癡
心攝心觀於十二因緣尔時孔雀王菩薩以
偈頌曰

若不樂住心

隨樂起諸愛

若為愛所縛

失於二世利

如是孔雀王菩薩為夜摩天兜率陀天說不

住心無量過惡。今時天衆聞二世利樂聽無
厭作如是言。孔雀王未曾有也。乃能爲我演
說深法。初中後善。能至涅槃。於種種生死能
生厭離。第一安隱。唯願爲我次第宣說。我等
當共一心聽受。自利利他。時孔雀王聞是語
已。知諸天衆一心樂聞。踊躍歡喜。其心怡悅。
第一利他。美妙音聲。告諸天衆。若沙門婆羅
門。及以餘衆。心念於法。旣念法已。勤修怖畏
修何等法。所謂畏惡名稱。若有比丘畏於惡
名。則離諸過。所謂不入女人戲笑之處。不入
酒肆。不近沽酒。不與共語。不近嗜酒人。亦不
與語。不近賊人。不近先作大惡之人。不近好

鬪人不近陰惡懷毒人不近無恒數捨道人
不近博戲人不近伎樂人不近小兒不近繫
縛女色人不近輕躁人不近不護口人不近
貪人不近販賣欺誑人不近巧偽市道世所
惡賤人不近使掘河池人不近黃門女人同
路一步不近調爲人不近魁膾人不近調馬
人不近斷見人不近無戒人如是惡人比丘
一切不應親近何以故近如是人失比丘法
世間之人作如是念如是比丘近如是人必
與同行與如是人習近共行生一切人如是
之念是故比丘當畏惡名不應與此不淨業
人同路行於一足之地尔時孔雀王菩薩以

如來偈而說頌曰

若人近不善

則為不善人

是故應離惡

莫行不善業

隨近何等人

數數相親近

近故同其行

或善或不善

一切人求善

當近於善人

如是能得樂

善則非苦因

近善增功德

近惡增尤甚

功德及惡相

今如是略說

常近於善人

則得善名稱

若近不善人

令人近輕賤

常應親善人

遠離於惡友

以近善人故

能捨諸惡業

時孔雀王菩薩復為諸天說如是言若有比

丘有七功德則離惡名何等為七一者離眾

人二者不樂供養之利三者知足能令施主

得清淨心四者樂住山谷靜處攝諸善業五者離於多語六者若入聚落不至酒家七者不作販賣貿易比丘若有如是功德政行相應則無惡名衆人所敬是故畏惡名者爲最第一若有比丘不畏惡名所得過惡過於白衣隨意而作隨意而說於所受戒心無慚愧是破戒人身壞命終墮於地獄畏惡名者樂空閑處不樂近於聚落城邑以知足故不壞他信遠離一切憤內之處於微小過心常怖畏如是如是怖畏惡名比丘得世間善復次第十三法能多利益何等善法所謂不樂著法此法可愛若有比丘離著清淨意純

無著樂於閑靜安任淨命離於憂惱第一安
隱攝心一處若遭苦厄心不怯怖若他罵辱
不起瞋恚逢喜不喜於苦不畏不親宗族自
矢利益隨所作事皆悉究竟於先所作諸惡
之業不生喜樂不樂觀看遊戲歌舞從一聚
落至一聚落從城至城從邑至邑從家至家
心不樂著睡安覺安不樂著故清淨正行猶
如耆耄魔不得便不著於色聲香味觸亦不
樂著供養之利得已捨於不善覺觀精勤斷
除令其不生若生惡覺尋即除滅令不惱心
如是比丘尚能精勤滅不善覺況復麁過而
不斷除有三種法應當修行何等爲三所謂

已生不善法妨於悲心爲斷除故勤行精進
未生不善法爲不生故勤行精進已生善法
念當精勤修習增廣若有比丘心不樂著正
意清淨欲求愛盡欲求厭離欲求安樂無得
樂著若有比丘心不樂著則得第一最勝之
樂介時孔雀王菩薩以偈頌曰

常修於禪定	心無所樂著	心常清淨故
意正不錯亂	若人正憶念	諸惡不能染
以能離諸過	是名得安隱	一心正憶念
覺觀莫能亂	以離惡覺觀	是名善安住
若人意寂靜	常樂於涅槃	其人諸根中
遠離諸不善	若有修行者	得禪三昧樂

皆由一心念 修行之所得 若樂獨比丘
樂從內心生 此樂於諸樂 第一無等倫
一心係念者 其心則清淨 得脫諸過網
心意常寂滅 常一心係念 攝持於五根
斯人智慧水 能滅愛毒火 解脫愛縛人
常得清淨樂 現前得勝處 無盡亦無壞
覺觀亂其心 處處受生死 一念緣相應
三昧力能持 是故此勝道 能到涅槃城
以一心念故 能破魔王軍 堅固智光明
繫縛心逸馬 到第一彼岸 無垢清淨處
第一勇健者 修行到彼岸 以一心係念
能至不壞處

如是孔雀王菩薩為諸天衆無量說法利益
安樂復為兜率陀天夜摩天衆不斷說法能
至涅槃告諸天衆一切善法中第一真法所
謂第十四獨行比丘好行善業行林樹間善
寂滅行所謂獨行比丘寂靜調伏心無所畏
一切處樂若在山谷若在山窟若草薺邊心
無偏著其心正直獨行比丘有七法利益何
等為七一者知足心常歡喜二者心常清淨
三者世間所敬諸天所護四者離諸塵垢五
者善法增長六者一心正念淨身口意解脫
現前七者離於垢法成就白法以獨行故能
破無量無始流轉煩惱怨家獨行比丘一心

正行怖畏煩惱於微少惡心生怖畏常勤精
進威儀寂靜介時孔雀王菩薩為利諸天以
偈頌曰

輕擾堅牢惡

大力難調伏

勇健調伏心

則得第一樂

如是三種過

破壞諸世間

智水能除滅

則得第一樂

若人不愛法

雖人而非人

不住於真道

不至涅槃城

既得此人身

功德所依處

云何不昇栴

渡諸有流海

一切眾生命

如電旋火輪

如捷闍婆城

速過不暫停

是身念念壞

常畏於老死

速滅無堅住

如何起身慢

此身為病城

是大憂悲處

善不善之地

是故名爲身。若人施戒智而自莊嚴身，於人中最勝，成就善果報。若人有七真，其人與佛等，施戒智精進，悲忍善調伏。若人於無量，不可數時劫，修六波羅蜜，斯人名爲佛，若人捨離欲，三界最第一。以捨諸欲故，常得大安樂，若人貪著欲，衆苦常現前，欲爲衆苦因，是故應捨離。如是孔雀王菩薩爲兜率陀天夜摩天衆說，如是法。爾時孔雀王復爲天衆說第十五利益之法。若沙門婆羅門及餘世間心不散亂，則得利益。若散亂心善攝心意，令心正住，常樂親近同梵行者，常勤精進，以求安隱永離。

惡道若比丘心不散亂折伏六根不著境界
怖畏生死捨離一切不善之法捨離一切不
善法故常得安樂若有比丘立於色聲香味觸
法中心不散亂是名比丘心意正念心正念
故善法增長正念之人不樂生死常勤精進
樂修三昧以正念故則能得道既得道已勤
修衆行以勤修道發起衆行正憶念故而得
道果心常正念修習道故斷除衆結滅於諸
使斷何等結所謂愛結恚結無明結慢結垢
結慳結皆斷此結滅何等使所謂欲染使恚
使有染使無明使慢使見使疑使此使皆滅
以此結使大力因緣流轉諸道三界所攝若

心不散一心念於見道修道皆悉能滅若沙
門婆羅門若復餘人欲得安隱一切善不善
法心為根本是故宜應精進修道怖畏有過
攝心正念能滅煩惱無有餘法能滅如是無
始流轉煩惱稠林如正念心亦時孔雀王菩
薩以一切智偈而說頌曰

一心念現前

怖畏於諸惡

能生無漏法

猶如畦種稻

一心念現前

精勤修習道

斷除不善法

如日除闇冥

若一心現前

常念正寂滅

則不畏衆過

如金翅鳥王

如是散亂心

如風有大力

智者能調伏

猶如調鳥師

戒三昧智慧

猶如大猛火

與風共和令。焚燒諸惡林。是故應修習。

斷除於愚癡。離於老死患。得無上勝處。

若能勤攝心。修行於精進。以其攝心故。

能斷一切惡。心常緣境界。勇猛能攝持。

諸欲不能壞。如毒藥在手。如是勤精進。

能調伏其心。三道大愛河。速度勿停住。

如是孔雀王為利夜摩天眾兜率天眾說於

善行時諸天眾聞是法已怖畏生死捨離一

切境界之樂

正法念處經卷第六十一

宜

鹿獮上倉胡及柔濡下古作融銅上余及

下俱猛及

軟字用

正作鎔音

容 瀑河報上 蒲及 灑漂二同 疋 啄食卓上音 辟圻補上

也 麦及作 孽非 澆下 熇正 踢窞湯上 徒浪及 音

及 骨 拊 擗二同 正 恃音 破礙 字 棧音 伐與 哀矜

陵 下 居 洄 復 躁 蹠二同 則 白 鐵下 郎 沙 鹵

魯 下 音 搆正 古 候 及 膈 暝二同 正 烏 鷄下 尺 係 計音

抖 撇上 音 斗 下 音 澡 潒二同 音 肘及 知 柳 調 戲

上 徒 揣 飯正 音 團 澡 潒下 音 怖 望二 字 音 搥

其 勿 革 屣下 所 饒 膳二 同 時 石 礪下 音 折正

斤 蘭 若下 汝 嘿 默二 同 怡 悅上 余 嗜音 販 賣

上 方 魁 膾上 苦 回 反 貿 易上 莫 憤 肉上 俱 妹

字 耆 老上 渠 阜觸 草 蕘下 子 稠及 直 留 畦戶 圭

